

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U KAKNJU
Broj: 36 0 Su 075463 26 Su 11
Kakanj, 08.07.2026.godine

Na osnovu člana 64. stav 1. tačka b), člana 70. stav 1., 3. i 6. Zakona o javnim nabavkama Bosne i Hercegovine („Službeni glasnik Bosne i Hercegovine” broj 39/14,59/22 i 50/24), te preporuke Komisije za provođenje postupka javne nabavke iz Zapisnika o pregledu i ocjeni ponuda broj: 36 0 Su 075463 26 Su 11 od 07.07.2026. godine, u postupku javne nabavke - nabavka i ugradnja stepenišne lift platforme za pristup licima sa umanjenim tjelesnim sposobnostima, Predsjednik suda donosi,

ODLUKU **o izboru najpovoljnijeg ponuđača**

Član 1.

Prihvata se preporuka Komisije za provođenje postupka javne nabavke „*Nabavka i ugradnja stepenišne lift platforme za pristup licima sa umanjenim tjelesnim sposobnostima*“ i ugovor se dodjeljuje ponuđaču ORTOPEDIJA INTERNATIONAL D.O.O., ul. Salke Lagumdžije 12, Sarajevo, ponuda broj:75/26 od 29.06.2026.g. za ponudenu cijenu 59.820,00 KM bez PDV-a (pedeset devet hiljada osamstotina dvadeset KM), kao najpovoljnijem ponuđaču.

Član 2.

Izabrani ponuđač je dužan u roku od 7 (sedam) dana od dana zaprimanja ove odluke dostaviti originale ili ovjerene kopije dokaza o ispunjavanju uvjeta u skladu sa tenderskom dokumentacijom i datom Izjavom iz člana 45. Zakona o javnim nabavkama.

Član 3.

Ova odluka se dostavlja svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Član 4.

Ova odluka objavit će se na web stranici Općinskog suda u Kakanju, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama Bosne i Hercegovine.

Član 5.

Po pravosnažnosti ove odluke i u skladu sa članom 72. stav (1) Zakona o javnim nabavkama, ugovorni organ će pozvati izabranog ponuđača radi zaključenja ugovora.

Obrazloženje

Postupak javne nabavke „*Nabavka i ugradnja stepenišne lift platforme za pristup licima sa umanjenim tjelesnim sposobnostima*“, pokrenut je Odlukom o pokretanju postupka javne nabavke broj: 36 0 Su 075463 26 Su 11 od 23.06.2026.godine. Postupak je proveden putem konkurentskog zahtjeva za dostavu ponuda, za koje je objavljeno obavještenje o nabavci broj: 5359-7-3-42-3-4/26 dana 23.06.2026. godine na Portalu javnih nabavki.

Komisija za javne nabavke dostavila je dana 07.07.2026. godine predsjedniku Općinskog suda u Kakanju Zapisnik o pregledu i ocjeni ponuda broj: 36 0 Su 075463 26 Su 11 od 07.07.2026.godine sa preporukom o izboru najpovoljnijeg ponuđača za predmetnu nabavku.

Komisija za javne nabavke je navela da je blagovremeno i pravilno izvršila javno otvaranje, pregled i ocjenu kvalificiranosti prispjelih ponuda u skladu sa kriterijima iz tenderske dokumentacije o čemu je sačinila odgovarajuće zapisnike, te da su zaprimljene dvije ponude i to sljedećim redoslijedom:

Redni broj	PONUĐAČ	SJEDIŠTE
1.	ORTOPEDIJA INTERNATIONAL D.O.O.	Salke Lagumdžije 12, Sarajevo
2.	EURO PROST D.O.O.	Miričina b.b., Gračanica

Kopija Zapisnika sa otvaranja ponuda dostavljena je ponuđačima putem e-maila dana 06.07.2026. godine u skladu sa odredbom člana 63. stav (6) Zakona o javnim nabavkama Bosne i Hercegovine.

Nakon izvršenog pregleda i ocjene ponuda, o čemu je komisija sačinila Zapisnik o ocjeni ponuda, proizilazi da je kvalifikovana i prihvatljiva ponuda ponuđača: ORTOPEDIJA INTERNATIONAL D.O.O., dok je ponuda ponuđača EURO PROST D.O.O. ocjenjena kao nepravilna.

Naime, ponuda ponuđača EURO PROST D.O.O. broj:735/2026 od 02.07.2026.godine nije sačinjena u skladu sa TD, te je samim time nepravilna iz sljedećih razloga:

U Aneksu 2- Obrazac za cijenu ponude TD navedeni su minimalni tehnički uslovi i karakteristike koje ponuda mora ispunjavati i isti su taksativno navedeni.

Komisija je detaljnom ocjenom ponude ponuđača EURO PROST D.O.O., konkretno dostavljeni tehnički list, utvrdila da ponuđeni model lift platforme „OMEGA PLATFORM STARLIFT' proizvođača 'LEHNER LIFTTECHNIK GmbH', direktno odstupa od mjerljivih traženih parametara. Ugovorni organ je u TD zahtijevao da platforma u sklopljenom položaju zauzima maksimalno 24 cm od zida. Ponuđač je u svom tehničkom listu eksplicitno naveo širinu u sklopljenom stanju od 275 mm (27,5 cm), što je suprotno uslovima iz TD.

Nadalje, Komisija je utvrdila i da dostavljeni tehnički list ne sadrži ključne zahtijevane parametre (pogonski mehanizam putem zupčaste letve, rad putem baterije u slučaju nestanka struje, automatsko sklapanje/rasklapanje, te zahtijevani raspored i vrstu krivina i način montaže), pri čemu nije mogla izvršiti potpunu komparaciju niti utvrditi stvarnu tehničku usklađenost ponude, a što je tačkom 3.4.1. c) TD i Aneksom 2 TD ugovorni organ jasno naveo kao obavezu ponuđača.

Ugovorni organ je pod tačkom 2.3. TD naveo da su tehničke specifikacije koje su predmet ove nabavke definisane u Aneksu 2 TD.

Odredbom člana 2. stav 1. alineja 1. tačka 3. Zakona o javnim nabavkama data je definicija pojma „nepravilna ponuda“ kao ponuda koja nije u skladu sa tenderskom dokumentacijom.

Članom 68. Zakona o javnim nabavkama propisani su razlozi za odbacivanje ponude, a stavom 4. alineja i) istog člana je propisano da je ugovorni organ dužan odbaciti ponudu u slučaju kad ponuda nije potpuna i ne ispunjava zahtjeve iz tenderske dokumentacije, slijedom čega je ponudu ponuđača EURO PROST D.O.O. valjalo odbaciti i istog ocjeniti kao nekvalifikovanog ponuđača u ovom postupku javne nabavke.

Ponuda jedinog preostalog ponuđača ORTOPEDIJA INTERNATIONAL D.O.O. je ocijenjena kao kvalifikovana, jer je potpuna, sačinjena u skladu sa zahtjevima iz tenderske dokumentacije i prihvatljiva.

Članom 4. stav 2. Pravilnika o uslovima i načinu korištenja e-aukcije („Službeni glasnik BiH“ br. 80/23), propisno je da u slučaju prijema jedne prihvatljive ponude e-Aukcija se ne zakazuje, a što je situacija u ovom postupku, pa e-Aukcija nije ni provedena.

Komisija je dala preporuku predsjedniku suda da donese Odluku o izboru najpovoljnijeg ponuđača i dodijeli ugovor ponuđaču ORTOPEDIJA INTERNATIONAL D.O.O. kao jedinom kvalifikovanom ponuđaču čija ponuda ispunjava uslove iz tenderske dokumentacije, a što je u skladu sa Zakonom o javnim nabavkama BiH, podzakonskim aktima i tenderskom dokumentacijom.

Prilikom donošenja ove odluke posebno su cijenjene činjenice da je komisija pravilno i potpuno izvršila ocjenu kvalifikovanosti ponuđača, te da nisu utvrđene nepravilnosti ili propusti u radu, koji bi eventualno bili razlog za neprihvatanje preporuke Komisije za javne nabavke.

Uzimajući u obzir da je komisija u cjelosti pravilno postupila i da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, odlučeno je kao u dipozitivu odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine putem Ugovornog organa u roku od 5 (pet) dana od dana prijema ove odluke.



Dostaviti:

1. ORTOPEDIJA INTERNATIONAL D.O.O., putem e-maila
2. EURO PROST D.O.O., putem e-maila
3. web
4. a/a